

Zeitschrift: Annalas da la Societad Retorumantscha

Herausgeber: Societad Retorumantscha

Band: 95 (1982)

Artikel: Seminari da mussadras LR : rapport digl cunzegl scola

Autor: Battaglia, Luzi

DOI: <https://doi.org/10.5169/seals-234397>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Ils 24 da november ha giu liug a Salouf la premiera dil toc «Rumantsch 2038» u «Iglspierts sa ragordan» dalla gruppera da teater dalla Meirana. En lavur cumina han gimnasiasts, seminarists e students scret ed inscenau scenas davart la situaziun dil romontsch egl onn 2038, pia 100 onns suenter la votaziun che ha dau al romontsch il status da quart lungatg naziunal svizzer. Era la Meirana ei ida cun quella revue sin viadi el Grischun romontsch.

Gian Gianotti / Mariano Tschuor

Seminari da mussadras LR

Raport digl cunzegl scola

Igl on 1980 à igl cunzegl scola anzemen cun la suprastàンza LR dezidieu d'antschever sen l'antscheata digl on da scola 1981/82 egn nov curs da scola da tres ons. Las pratandientschas ca vignan oz tschantadas a nossas mussadras en fetg gràndas. Igl e betga ple pusseval da concentrar la scolaziùn da las mussadras me sen dus ons. Sper igls problems ca mintga scoleta porscha ston nossas mussadras rumàntschas ear ànc dumignear igls problems spezifisca ca sarasulteschan ord la situaziùn periclitada da noss rumàntschi. Quellas ponderaziùns ân mano tier la dezisiùn da slunganir igl nov curs da scola da dus sen tres ons schagea ca que pass e betga sto aschi leav. D'egna vart à l'ancunanschainta situaziùn precara da las finanzas da la LR caschuno gràndes quitos. Igl CS a la suprastàンza en dantànt stos digl meni ca la scolaziùn da las mussadras lastgi betga vegnir periclitada da la muncanza da daners. Cun satisfacziùn a grànd leavgiament vainsa astgieu prender ancunaschientscha da la moziùn digl Cunzegl grànd c'â mano tier egna ple ôlta contribuziùn finanziala davart igl cantùn.

La dezisiùn da slunganir igl nov curs à pleanavànt ear mess igl CS a la direcziùn digl seminari avànt gràndes problems d'organisaziùn cunquegl c'igl seminari sto ussa digl madem tains dar tetg a dus curs, ad egn curs par novizas âd ad egn curs par avanzadas. Igl colegi da surmesters a stuieu vagnir cumpleto, novs plazs da practicum ân stuieu easser pronts, igl nov plan d'instrucziùn a stuieu easser a fegn, la dumonda da las localitads a stuieu vagnir slieada.

Sainza igl enorm angaschamaint da parsuainter da nossa directura duna Margritta Wagner-Fryberg, fuss igl sto nunpusseval da dumignear tut quels problems.

Igl tgar da laver da nostra directura e anzuma fetg surcargieu. Mo la spràenza da saver surdar schi spert sco pussevel igl seminari agl Cantùn le raspunsar la situaziùn momentana ca pratenda propri tutas forzas da nostra directura.

Igl on da scola 1981/82 à prieu sia antscheata igls 24 d'avust 1981 cun 16 scolaras agl amprem curs a 14 scolars agl savund curs. Sper la directura cun scharscha antiera en 16 forzas auxiliaras partizipadas ved igl pensum da scolaziùn. Las scolaras vignan tenor igl nov plàn d'instrucziun intruidas agls roms: etica, biologia, zambagear, zivica, rumàntschi, tudestg, dissegna, gimnastica, ritmica, practica, musica, pedagogia, metodica, psicologia. Igl nov plan d'instrucziùn punctuescha ànc dapple ca tocen ussa l'instrucziùn rumàntscha avànt tut igls oters roms. Speziala atenziùn vean ear dada a la dumonda da la assimilaziùn.

Igl examens da rezepziùn pigl on 1982/83 ân gieu liac l'antscheata da november 1981. Igls examens practices en stos an las scoletas da Sedrun, Ziràn, Savognin a Zernez. Da las 18 scolaras examinadas en 12 vagnidas rezepidas. Que diember anzi bass sadeclara ord igl fatg ca noss seminari antscheva ussa mintg'on cun egn nov curs a betga me an egn interval da dus ons sco tocen ussa.

Durànt ca jou scriv que rapport sapreschainta gea egn nov pensum da laver pigl CS a par la directura. La diplomaziùn da las scolaras digl savund curs stat avànt porta a spetga sen sia preparaziùn.

Igl fuss ànc da menziunar blear laver an detagl par igl andamaint da noss seminari, dantànt less jou betga davantar ple lung cun mieus rapport. Jou less fitar cun egn cordial angraztgamaint a tuts c'ân gido trer anavànt igl tgar da noss seminari an egna perioda da grànda laver. Egn spezial angraztgamaint soda a nossa directura, duna Margritta Wagner-Fryberg, par sia enorma laver a sieus engaschi exemplaric a pro da nies seminari. Angraztgear less jou ear agls ulteriurs surmesters, agls oters cumembers digl CS, agl secretariat ad a la suprastànza da la LR.

Graztga a la colaboraziùn da tut quellas varts sa igl on da scola 1981/82 ir auncunter egna bùna fegn.

Pigl cunzegl scola LR
il president: Luzi Battaglia, Trin